



Broj: 03/3-50-1-9-18/10  
Sarajevo, 25.03.2010.

**Z A P I S N I K**  
**18. sjednice Zajedničke komisije za ekonomske reforme i razvoj,**  
**održane 25.03.2010. godine**

Sjednica je počela u 13.30 sati.

Sjednicom je predsjedavao g. Zoran Koprivica, predsjedavajući Komisije.

Sjednici su prisustvovali: g. Božo Ljubić, g. Adem Ibrahimpašić, g. Rifat Dolić, g. Ivo Miro Jović, g. Bajazit Jašarević i gđa. Ljiljana Milašin, članovi Komisije.

Sjednici su prisustvovali, u ime Instituta za akreditiranje BiH, g. Miloš Marković, zamjenik direktora, u ime Instituta za intelektualno vlasništvo BiH, gđa. Lidija Vignjević, direktorica, u ime Instituta za standardizaciju BiH, g. Goran Tešanović, direktor, u ime Konkurencijskog vijeća BiH, gđa. Sena Hatibović, u ime Agencije za sigurnost hrane BiH, g. Sejid Mačkić, direktor, u ime Agencije za statistiku, g. Fatić Fadil, zamjenik direktora, u ime Agencije za osiguranje u BiH, g. Samir Omerhodžić, direktor, u ime Agencije za rad i zapošljavanje BiH, g. Asim Ibrahimagić, u ime Agencije za unapređenje stranih investicija u BiH (FIPA), g. Vesko Drljača i u ime Direkcije za ekonomsko planiranje BiH, g. Emir Demirović i gđa. Alida Sofić, pomoćnici direktora, u ime USAID – Projekat jačanja Parlamenta, gđa. Lada Mujkić, u ime Sektora za odnose sa javnošću g. Zoran Brkić, te g. Amer Bekrić, sekretar Zajedničke komisije za ekonomske reforme i razvoj.

Za sjednicu je predložen i jednoglasno usvojen sljedeći sljedeći

**D N E V N I R E D**

1. Usvajanje Zapisnika sa 17. sjednice Zajedničke komisije
2. Izvještaj o radu Vijeća ministara BiH za 2009. godinu
3. Tekuća pitanja

**Ad.1.**

**Usvajanje Zapisnika 17. sjednice Zajedničke komisije za ekonomske reforme i razvoj**

Zapisnik 17. sjednice Zajedničke komisije za ekonomske reforme i razvoj je jednoglasno usvojen.

**Ad.2.**

**Izvještaj o radu Vijeća ministara BiH za 2009. godinu**

**G. Koprivica** je dao uvodne napomene o Izvještaju o radu Vijeća ministara BiH za 2009. godinu i naglasio da je Vijeće ministara BiH, na 115. sjednici, održanoj 18.02.2010. godine, razmatralo i usvojilo pomenuti Izvještaj, te isti, dana 22.02.2010. godine dostavio Parlamentarnoj skupštini BiH, na razmatranje, da je Kolegij Predstavničkog doma, aktom broj: 01,02-50-3-360/10 od 09.03.2010. godine, Izvještaj dostavio komisijama Doma, uz poziv da svaka iz svoje oblasti isti razmotri, te Domu dostavi svoje mišljenje.

Obzirom na stav Kolegija Predstavničkog doma, te relevantne odredbe Poslovnika Predstavničkog doma i Poslovnika Doma naroda Parlamentarne skupštine BiH, Zajednička komisija za ekonomske reforme i razvoj bi trebala da razmatra dijelove Izvještaj jedanaest institucija, i to: Instituta za akreditiranje BiH, Instituta za intelektualno vlasništvo BiH, Instituta za standardizaciju BiH, Institucije Ombudsmena za zaštitu potrošača BiH, Konkurencijskog vijeća BiH, Agencije za sigurnost hrane BiH, Agencije za statistiku, Agencije za osiguranje u BiH, Agencije za rad i zapošljavanje BiH, Agencije za unapređenje stranih investicija u BiH (FIPA) i Direkcije za ekonomsko planiranje, te su, u tom smislu i pozvani rukovodioce ovih institucija.

Nakon uvodnog izlaganja, prisutni predstavnici institucija, u kraćem su prezentirali dijelove Izvještaja za 2009. godinu, koji se odnose na te institucije.

Nakon provedene opće rasprave o Izvještaju o radu Vijeća ministara BiH za 2009. godinu u cjelini, kao i rasprave o dijelovima Izvještaja koji se odnose na rad gore pobrojanih institucija, u kojoj su učestvovali svi prisutni članovi, Zajednička komisija je, jednoglasno prihvatila, te predlaže domovima na usvajanje sljedeće **ZAKLJUČKE**:

1. Izvještaj o radu Vijeća ministara BiH za 2009. godinu je objektivna, pregledana, realna, informativna i sveobuhvatna. Izvještaj je dobro metodološki sačinjen, sadrži sve bitne statističke i druge podatke o aktivnostima Vijeća ministara BiH, pojedinih ministarstava, samostalnih upravnih organizacija i tijela Vijeća ministara BiH o zakonodavnim aktivnostima, donešenim odlukama, aktivnostima u oblasti zaključivanja međunarodnih ugovora i europskih integracija, aktivnostima na izradi strategija i drugih akata iz nadležnosti Vijeća ministara BiH. Izvještaj sadrži precizne podatke o utrošku sredstava, konstatirani su pozitivni i negativni rezultati u radu, te je u odnosu na dosadašnje, Izvještaj za 2009. godinu znatno obuhvatniji, pregledniji i sistematičniji.

2. Zajednička komisija predlaže Vijeću ministara BiH, da naredni Izvještaji o radu sadržavaju i informaciju o broju provedenih i okončanih upravnih postupaka, kao jednom od pokazatelja obima rada i aktivnosti svake od navedenih institucija;

3. Zajednička komisija prihvata dijelove ponuđenog Izvještaja o radu koji se odnose na svih jedanaest navedenih institucija, uz konstataciju da su ostvareni zadovoljavajući rezultati u okviru njihovih nadležnosti, čime su ove institucije doprinijele ublažavanju posljedica globalne ekonomske krize u Bosni i Hercegovini;

4. Zajednička komisija podržava prezentirane aktivnosti i planove razvoja navedenih institucija, insistira na ostvarivanju što bolje međusobne koordinacije i saradnje, saradnje sa odgovarajućim institucijama entiteta, Brčko Distrikta Bosne i Hercegovine i nižih nivoa vlasti, te saradnje sa relevantnim međunarodnim institucijama;

5. Zajednička komisija predlaže da Vijeće ministara BiH, u smislu unapređenja uslova rada i trajnog rješavanja pitanja smještaja, pokrene dodatne aktivnosti na obezbjeđenju vlastitih poslovnih prostora za pojedine institucije, koje rade u nedovoljnim, neuslovnim i iznajmljenim objektima, što predstavlja značajnu prepreku za njihov daljnji razvoj, kao i veliko finansijsko opterećenje budžeta institucija Bosne i Hercegovine;

6. Zajednička komisija konstatira da jedan broj navedenih institucija nije adekvatno kadrovski osposobljen, te tehnički i materijalno opremljen za ostvarivanje još boljih rezultata u radu, pri čemu se sugerira da se navedene institucije, u aktivnostima na prevazilaženju ovih prepreka, u znatnijoj mjeri oslone na sredstva iz tzv. IPA predpristupnih fondova i korištenje instrumenata tehničke pomoći (TAIEX i sl). U tom smislu predlaže se da Vijeće ministara BiH naloži da sve navedene institucije, u saradnji sa Direkcijom za evropske integracije, sačine odgovarajuće projekte koji bi se kandidirali IPA Fondovima, u smislu obezbjeđenja preduslova za njihov uspješan razvoj.

7. Zajednička komisija će, u smislu kontinuiranog praćenja aktivnosti i postignutih rezultata, kao i u prethodnom periodu, na svoje redovne sjednice povremeno pozivati rukovodioce pomenutih institucija, kako bi i na taj način bila aktivno uključena u rješavanje problematike u njihovom radu.

8. Zajednička komisija posebno konstatira izuzetno dobre rezultate rada u 2009. godini sljedećih institucija:

- Agencije za sigurnost hrane BiH
- Agencije za statistiku
- Direkcije za ekonomsko planiranje BiH
- Agencije za osiguranje u BiH
- Instituta za standardizaciju BiH

### **Ad.3.**

#### **Tekuća pitanja**

Pod tačkom dnevnog reda Tekuća pitanja g. Koprivica je informirao prisutne da je Predstavnički dom Parlamentarne skupštine BiH je, na 73. sjednici, održanoj 10., 16. i 23. marta 2010., usvojio Prijedlog zakona o promociji malih i srednjih preduzeća i preduzetništva u Bosni i Hercegovini, kao i zaključak da se organizira javna rasprava po ovom Prijedlogu zakona, te da raspolaže nezvaničnim najavama da će i Dom naroda Parlamentarne skupštine BiH na narednoj sjednici usvojiti Prijedlog zakona, kao i identičan zaključak o organiziranju javne rasprave.

Nakon provedene opće rasprave po ovom pitanju, jednoglasno su usvojeni sljedeći **ZAKLJUČCI**:

- da se javna rasprava o predloženom zakonu, održi u srijedu 28. 4. 2010. godine, u zgradi Parlamentarne skupštine BiH, s početkom u 11 sati;
- da se na raspravu pozovu predstavnici: Vijeća ministara BiH – Ministarstva vanjske trgovine i ekonomskih odnosa i Direkcije za ekonomsko planiranje BiH, zatim, Ministarstva industrije, energetike i rudarstva Vlade Republike Srpske, Federalnog Ministarstva razvoja poduzetništva i obrta, Odjeljenja za privredni razvoj, sport i kulturu u Vladi Brčko Distrikta BiH, Republičke agencije za razvoj malih i srednjih preduzeća, Vanjskotrgovinske komore BiH, Privredne komore F BiH, Privredne komore Brčko Distrikta BiH, Privredne komore RS, Asocijacije poslodavaca BiH, Udruženja poslodavaca F BiH, Saveza poslodavaca RS, Udruženja poslodavaca Brčko Distrikta BiH, Ekonomskog fakulteta i Ekonomskog instituta Sarajevo, Ekonomskog fakulteta Istočno Sarajevo, Ekonomskog instituta Banja Luka, Ekonomskog fakulteta Mostar, USAID-a, UNDP-a, Ureda Svjetske Banke u Sarajevu i Delegacije Europske komisije u BiH.
- da se posredstvom medija na javnu raspravu pozovu sva druga zainteresirana lica koja imaju opravdan interes da sudjeluju u javnoj raspravi o navedenom Prijedlogu zakona.

Također, pod ovom tačkom dnevnog reda **g. Koprivica** je dao napomene o planiranoj posjeti Republici Bugarskoj (Parlamentu i odborima nadležnim za pitanja ekonomije, reformi i razvoja), u organizaciji USAID – Projekta jačanja Parlamenta.

Sjednica je završena u 14,30 sati.

Sekretar Komisije

**Amer Bekrić**

Predsjedavajući Komisije

**Zoran Koprivica**